

“Зўравонликсиз - бахтли ҳаёт тарафдоримиз” мавзусида тадбир ўтказилди



Бугун юртимизда хотин-қизларнинг жамиятдаги ролини ошириш ва уларни ҳар томонлама қўллаб-қувватлаш, оилавий ажримлар, оилада зўравонлик, тазйиқларнинг олдини олиш борасида кенг кўламли ислохотлар амалга оширилмоқда.

Термиз туманидаги “Наврўз” маҳалласи ҳудудида жойлашган ижтимоий мослашув маслаҳатхонасида “Зўравонликсиз - бахтли ҳаёт тарафдоримиз” мавзусида тадбир ташкил этилди.

Тадбирда Аёлларни реабилитация қилиш ва мослаштириш маркази Сурхондарё вилоят ҳудудий бўлими директори Мамлакат Ҳафизова ва Термиз туман ҳокими ўринбосари, Оила ва хотин-қизлар бўлими бошлиғи Маърифат Расуловалар иштирок этишди. Тадбирда турли тазйиқ ва зўравонликдан жабр кўрган хотин-қизларга руҳий, психологик, ҳуқуқий ёрдам кўрсатиш борасида маълумот берилиб, хотин-қизларнинг бу борадаги муаммоли мурожаатларга атрофлича жавоблар берилди.

Шунингдек, тадбир давомида атроф туманлардаги аёлларнинг ижтимоий-психологик муаммоларини ҳал этиш борасида муҳим чора-тадбирлар белгилаб олинди.